


www.BibleForChildren.org



Genesis 6




Noa, nuhig hak amu inam. Noa
nug wanppa dayom, haen
amuppa nug danab ah
oolagppa nug genab tutukku
hak danab dayaya, Kayaknu
neekkakppa danab ooppa



kaliak laa iitta ele

oiyeye,

Kayak ele oittapid.




Danab ah ag kobol nau udig
wak ele henan daappig
amunu, Kayak Nug neekkakka,
Nug danab oh ag akka ahilag
dabmak dim lamidnana, kobol
nau udig wak eleib heegeg
anttom.




Antta amu, Kayak Nug Noa amegppa aum.
“Danab ah ag heegeg, laa guittak nau
mauhnoak mettak kobol am wanppa
ambeum daatte amunu, da heppi,
danab oh ag iitta mekkulag.
Genab da heppi, danab oh, wan
ele padal
mekkulag.”



“Da anam hekkul amunu, na ad saiprus aona,
ad amuppa na uub nahip itakkut. Uub
ooppa dayak aben aben hattona, ooppa,
dimittim ele na kol tar laitte!”



“Aria, uub
amunu amu, na
inam ite! Elab nuhig
amu 140 mita. Emaitak
nuhig amu 23 mita.
Attan tak nuhig amu
13.5 mita maha ele.”



“Dod dilag ee, nahip ee
ele oh aon me!” awa aum.




Na keeke oh bau daatleb ele amu, na amunu adit
adit, anig, dawai ele diiadna, uub ooppa na ele bau
daaglagnu maadkkut.




Na dod idu idu oh mana mettaknu elele amu, anig
eblaih adit ele, dawai eblaih adit ele diiadna,
uub ooppa maatte! Dod idu idu oh mana
mettaknu elele iitta amu, anig laippu,
dawai laippu ele diiadna maatte!






Babaitta,
nug maɗ nuhig
600 dayeye, le
hiɗ naɗi bekkunu
heehe amu, nug, nug
wau, amu nug bekkod
ewam, ag waalkad ele,
ag oh bau daaglagnu
uub ooppa noppig.



Haen amuppa
Noa nug mad 600
dayom. Mad 600
dayeye, kalam ebqak
adit, kalam amunu ded
17ppa, gu okkai neene, Kayak
Nug he, wan panatte, wan ooppanu
le huanak qeppudin beegeg, le hid
nadi digma beum.





Gu okkainab, amun 40,
tuqan 40 ele neum.




Mane amu, ded 40ppa le hid
beebe, le titida, uub ele
wanppanu attannab huma,
mawa beebe, le huana titide,
uub le qadeppa maya ma
oiyom.




Ge! Le nug titida baaba, qauko okkai wan atu ohppanu
tonatta, qauko editta Genab, keeke bau wanppa oippig
amu, ag oh mauhadppig.



Le hid nadi anam ba daye ukke, Kayak
Nug Noa, nug baekkudppa ele, dod
dakkud, dod aabppanu ele, ag Noa ele
uubppa daappig amu, Nug amu oh
dilag dabmak awa he, ulah udia le
iwale, digma hida
noum.





Miag atieg, ded 40 dimppa
amu, Noa nug uub gililppa
ulah ippu heum ele amu,
nug amunu od nakok matula,
ai laa aldal bia me ukkom.

Aldal me ukke dimppa, Noa nug
ai uppudil bedulag nakok, le
iitta meumtai, amu
anidkkunu me ukkom.



Antte ukke, kalam ebqak adit, kalam amunu ded
27 ppa wan oh qadaietta malom. Anam daye amu,
Kayak Nug Noa amegppa aum. “Na, na
waat, na begapad, amu ag
waalkad ele, ag oh
uub uun, dimittim noig!”



Ag nona malaeg, Noa nug qadab qa, nug dod, ai ele
idu idu oh mana
mettaknu elele, nug
amu laippu laippu
diiatta, manaknu ofa
daaglagnu manatta,
Yawe mettom.



Kayak Nug nai
anam anana, Nug
nai laa tuditta aum.
“Da dahil di apinak
lombigppa mettem.
Amuam ag danab
ahilagnu, dod oh

dilagnu ele, nug
tituana nai qakkak
nai dahilnu at
daatte. Nug tituana
nai qakkak nai
amuam hanhannu,
iitta ii mema.”




“Ded laala da
heppi, lombig neeb,
di apinak ele neeb,
nug tituana nai qakkak
nai dahil am da
daulppa dokku. Nug
tituana nai qakkak amuam


na, adi laa ele idu
idu oh wanppa bauklel
daatteb, am ag oh
ahilagnu daatte, amu
nai amuam da baula le
hidppa keeke oh bau
ele amu ii aqapa.”



Kayak Nug Noa, nug
bekkod ele itattatta aum.
“Ag appatna, wan oh
tonan daanna oiyeg!”



Noa bekkod ewam
uubppanu neppig amu, ag onilag
Sem, Ham, Japet ele. Ham amu,
nug Kanan mameg. Danab ewam
amu, ag Noa bekkod, ag
wanppan danab oh, ag
alalkad.



Kayak Nug wanppan danab ah dilagnu oo
huana mauhom amunu, Nug Bekka
laippunab me udiom. Nug me udiom
amunu, aun nug nuhignu ooppa genab
dootte ele, nug padal ii mema. litta!
Nug bauklel hanhannu aokku.



Rom 3:23

Adinu? Ig danab oh ig hipunin hemut amunu, ig Kayak Nug
ihinignu ig attem daagnignu dabmeum amu, ig amubia laa
ii daattem.

Rom 6:23

Hipuninnu nob am mauhak, amge Kayak Nug ig ihinig
Nadi, Kristus Jesusnu udatppa bauklel hanhannu ihinig
daakkunu hamu megatte.

Hibru 9:27

Danab oh ag haen laippuib mauhkkulagoitte; amu dimppa
ag hettodiakppa tekkulagoitte,



Epesus 2:8,9

Ag Kayaknu oolagppa genab dooppig amu, amuppa Kayak Nug ehanittak okkai hamu matta, Nug ag edua diia, bauklel mattom. Nug ahilag udat, Nug amunu dabmaama ii mattom. litta! Nug ag ahilag daakkunu hamu mattom.

Rom 10:9,10

Amu nai amuam inam. Na odenppa, “Jesus am Nadi,” genab akkut, Kayak Nug Jesus mauhakppanu he edua hibaittom ele ootppa genab dookkut amu, Kayak na edua awidkku. Amunu diig am, danab nug nuhig oo unuqagppa [Jesusnu] ooppa genab dootte, amuppa [Kayak he,] nug genab tutukku hak danab daatte. Ge, danab nug odeppa nuhig ooppa genab doyaknu maditte, amu ooppa genab doyak amuppa Kayak Nug danab amu edua aotte.



Jon 3:16,17

Kayak Nug wanppan danab ah dilagnu oo huana mauhom amunu, Nug Bekka laippunab me udiom. Nug me udiom amunu, aun nug nuhignu ooppa genab dootte ele, nug padal ii mema. Iitta! Nug bauklel hanhannu aokku. Kayak Nug, Nug Bekka wan imuppa me udiom, amge Nug wanppan danab ah epeadiadkkunu me ii udiom. Iitta. Kayak Nug nuhigppa wanppan danab ah edua diiadkkunu me udiom.

1 Jon 5:11-13

Amu Kayak Nug adi ippunikkom? Nug bauklel hanhannu ig mekkom, amu bauklel amu ig Nug Bekkanu aottem. Aun nug Kayak Bekka ele laippu daattem amu nug bauklel ele, am aun nug Kayak Bekka ele laippu ii daattem, nug bauklel iitta. Da ag Kayak Bekka, ag nuhignu oolagppa genab dootteb amu, da ag bauklel hanhannu aoppig daattem genab dooglagnu, da ahilagnu nai imu yaattem.



Genesis 6 – 10

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Nobonob Bible (gaw) © 2022, Wycliffe Bible Translators, Inc.
All rights reserved.

<https://www.bible.com/bible/943/GEN.1.NB>

©2026 Bible for Children, Inc.

www.M1914.org

www.bibleforchildren.org

